

مكرونيان ايتيل

۱۸ نجى سنه

سنه ۱۳۱۶

جزء، عدد : ۷۸

ترك تسليحات

براز وقتدن برو مطبوعات جهانى مشغول ايدن مباحثك الڤ مهمى روسيه
ايمپراطورينك ترك تسليحات تڪليفيدركه، حمل ثقيل سلاح آلتندە الڤ بيوك قوملرك
بيله طاقتى طاق اولدينى جهتله تقرر آسايش اقوام، بۇ بار عظيمى دوش تحمل
دولدن آتمقله ميسر اوله جغندن

عصرمنك شانه لايق اودر

كيم اوله شمشير وغا درنيام

مدلولنك دستور آسايش انام صورتندە قبولنك بر قونغرەدە بحث ومذاكرەسى
تمنيسندن عبارتدر .

بۇ تڪليفى اقتضا ايدن فكرك شايان ستايش بر مقصد على نتيجهسى اولدينى
تصديق ايتيهك بر فرد بۇلنەمز . هله چار حضرتلرينك جدآ صلح پرور برذات
اولدينى وبۇ خصيصه عاليه كندولرينه موروث پدر بۇلندينى بتون عالم تصديق ايدر .
مع مافيه عصرلردن برو مكنة وسطوتى عالمه تصديق ايتدير مكله مألوف وبولتيقه سنك
طرز معلومى حكومات جهانه تفوق ايتك جهته مصروف اولان بردولنك حكمدارى
طرفندن بويله بر تڪليف صدورندە حكمت لدنيه آرايانلر آنى صفوت خالصه ايله قبول

ایدنلردن زیاده و چونکه صورت ظاهرده بقیله بر نیت عالیه اظهاری خواص -
ممدوحه دن گورینور ایسه ده حدّه ذاتنده محال اولان برشی هیچ بر وقت ممدوح
اوله میه جغنی ادراک ایدنلر رؤسیه دولتنک معلوم جهانیان اولان مسلک و شعاریه نسبت
قبول ایتمیان بر تنکلیفک رو بیهله خروس قصه سی گبی بر قصد مخصوصدن منبعث
بولندیغنی بیانده متحد الافاده در .

حرب که، خلقت بشرده مرکوز اولان خواص طبیعی حیوانیه دندر ؛ ممکن الازاله
اقلوب اولدیغنی بحث و مناظره سنی فیلسوفلره ترك ایتدکن صکره مسئله نک جهت -
عملیه سنی پیش نظره آلدیغمز حاله عصر مرکز اطوار اجتماعی سی حکمجه حرب دینلان
داهیة دهیا اقوامک بر فعل لازمی حکمنده بولندیغنی بالضروره تصدیق ایدرز .
هنوز خاطر لرده درکه ۱۸۷۰ سنه سی تموزنده غلیانه کلش اولان فرانسر قومی
تسکین ایچون علی العجله اعلان ایدیلان حرب علیهنده الک شدتلی برسانله الک معقول
اعتراضات سرد ایلان متوفی تیئر، سرکاره کچر کچمز حربک الک مفرط مرو جلدن
کسلش و دوام حرب ایچون هر فدا کارانی گوزه آلدیرتمش ایدی . بناء علیه افعال
حربیه دن فطرة متفر اولانلر بیله وطنک حال مغلوبیتده حربیه حصر نفس ایتمک
وظیفه سنی حس ایلرکه، بویه بر حسی اخلاق حسنه دن عد ایتمیه جک بر شخص تصور
اولنه مز .

حربک کافه احوال نظریه سنی تدقیق ایله برابر بالفعل تطبیقات عملیه سننده
بولتمش اولان ذواتدن بعض مشاهیر دیرکه :

« اردولر یتشدیرمک اغورنده اقوامک صرف ایتدیکی مساعی کندیلری ایچون
بربار ثقیل اولدیغنی قضیه سی نه درجه معلوم و مصدق اولسه دخی ینه ذات مسئله یی
تبدیل ایده مز . بؤخصؤصده الک اول رجعته باشلایان، یعنی ترك سلاح ایدن قوم
نهایة الامر رأی و قوت و نفوذ و قدرتی، و الحاصل موقع و اهمیتی غائب ایدر .
اطرافنده وقوعه گله جک صدماتک مضراتی چکدکن صکره بؤ آجی تجربه دن عبرت
تبیین اوله رق مجاورلرینه تقلیداً تجبه زات حربیه یه مباشرت و تلافی مافات مهالکانه
مسارعت ایتمک احتیاجنی درک ایلر .

اوروپاده على العموم اردولرك فسخى حقنדה وقوع بولمقده اولان تسكليفات، عصره حاضرده حيات دول بولتيقه سنك قرابت ملله مستند اولدينى حقيقتنى بيلامكدن نشأت ايدبور . بوگونكى گونده هر ملتده حكمرما اولان اشتراك منافع سائقه ساييله بر قاج قوم ، اشخاص مثللو بر آره يه كلهرك، بعضايرينك حسن نيئييله برابر، ينه بعضايرنده موجود اولان حرص شان، منع منازعات اوليور . بزم بيلديكمز عظمت ملية، حرص ملیدن قابل انفكاك اولمدينى جهته، حربى ايقاع ايدمك اسباب مفقود اولسه دخى حرص و طمع بزي ينه سلاح باشنه دعوت و جمع ايدر . آرتق اوزمان صلح و آسايشه حكم ايدمك بر محكمه نك وجودينه احتمال ورييله بيلورمى ؟ بوييله بر شينه اولسه اولسه قواى حربيه سى سائرلرينه قات قات فائق بولنان دول معظمه، وفق اوله بيلوردى . حال بوكه دول معظمه دخى محارباتك ياردميله تشكىل ايتمش اولدقلىرندن حربدن اصلا آيريله مزله .

آندن بشقه اقوامك يكه يگىرندن امنيت سزلكى ترك تسليحات مسئله سنده وهم وشه يه دعوت ايدبور .

۱۸۰۰ موسم شتاسنده، اول وقت قونسول بولسان ناپوليون بوناپارت، ابتدا بوييله بر تسكليفى آوستريا و پروسيا سفيرلرينه ايتمش ايدى . آوستريا سفيرى ايسه بوتسكليفه شو جواب عاقلانه ايله مقابله ده بولدى : « بوييله بر شى آوستريا دولتك جاننه منتدر . لكن مشكلات بو خصوصده برلين قاينه سنى اقناع ايتمكده در » ايسته مسئله ۱۸۰۰ سنه سندن برى بو نقطه ده قالدنى گي بولندن بوييله دخى الى الابد بوييله قاله جقدر . چونكه هر دولت بو ترك تسليحات خصوصنده ايلك خطومنى ديگر دولتك آتمسى طلب ايليه جك ويكديگر ك حسن نيئندن امين اولميان دولتلردن هيچ برى بوايلك خطومنى آتمقده برنجى اولمق احتياط سزلفنده بولميه جق و بوسيله عكس قضيه اولمق اوزره هر دولت سلاحنه بر قاندها زاغ و برمكده قصور ايتميه جكدر . چونكه يالكز سلاح بدست اولدينى حالده بقا و استقلالنى هر آنده مدافعه يه مهيا بولنان ملت امين اوله بيلور .

قونت موراويفك متبوع مخفى نامه اعلان ايلديكى ترك تسليحات ماده سى

اول زمان صحیبت خالصه ایلہ قبول و امتثالہ شایان گوریلوردی که، تکلیف واقعہ بالفعل ترک سلاحی تردیف ایلش اولسه ایدی، حقیقه هر زمانده و خصوصاً زمانزده اقوامک حیات و مماتی مسئلهسی اولان قوه حربیه دن رؤسیه دولتی دگل، حتی تمام ملکیمی ضمان دولی ایلہ تأمین اولغش اولان بلجبقا دولتی و مناعت موقعیه سندن ماعدا فطر تدرنده مرکوز اولان شجاعت قهرمانانه و خصلت آسایش پرورانه ایلہ برابر اسویچره خلقی بیله قولایجه تعری ایده مزه و ایتملیدرلر. چونکه ایدیلہ جک سماحت، برسماحت ابلهانه دن بشقه هیچ بر نتیجه مدوحیه اقتران ایده مز.

بقیله منافع و مضراتی بین الاقوام مشترک اولان مسائلی حل ایلہ تطبیقات فعلیه سنی تسهیل ایده جک قوت، آنجق اتحاد دولی ایلہ عقد ایدیلہ جک بر مجلس بین الامدر، دیورلر. بقیله بر مجلس مختلطده موقع تذکره قونه جق ماده، ترک سلاح اوله جغتہ نظراً هر دولت ترک سلاح خصوصنی یا علاقہ دار اولدقلری مسائل اعتباریلہ قطع محاسباته تعلیق ایده جک و یا خود مضی ماضی حکمنه عرض انقیاد ایدیلہ جک. قطع محاسبات ایثی میدانہ گلجه یالکز اوروپا خریطه سی دگل، خریطه عالمک نه قدر تبدیل الوان ایتسی لازم گلہ جگی محتاج ایضاح دکلدر. دهها دون اوتہ کینک بریکینک، سنک بنم اولان لرلر بؤگون شؤنک بؤنک ایدی استیلاسنه کچدی و آلآن کچمکده در. کیمی سطوت قاهرانه سیله احراز ایتدیگی، کیمی بعض قوی دوستلرینک سایه غایتده نائل اولدینی برطاقم لرلی صاحب اولنه اعاده یه نصل موافقت ایده جک؟ حال بوکه حرص و آرز دول الده بؤلانی ترکہ دگل، ایلک مالنی اغتصابه منہمکدر.

مضی ماضی حکمنه می اتباع ایدیلہ جک؟ بؤگونکی کونده فرانسه نی (آلساس-لورن) و اهمه لرندن، اسپانیایی ضایع ایتدیگی لرلی اعاده فیکرندن، ایتالیایی تریسته ایلہ تیروول طرفلرینی اله کچورمک داعیه سندن، دانیمارقه یی شلزویق - هولشتاین سوداسندن، حاصلی کوچوک بیوک سار برچوق دول و حکوماتی اوتہ دن برو بسلد. کاری خولیالردن کچورمک نصل قابل اولور که مضی ماضی حکمی، بر دستور قطعی آسایش اولق اوزره قبول اولنسؤن.

ماحصل استقرار آسایش اقوام مقصدیله عقد ایدیله جك بر قونفره احتمالدرکه یگیدن برطاقم اختلافات دولیسه تولید ایله، ایوم خوف و خطر حالنده بولسان بعض حکومات ضعیفینی بتون بتون تزلزله اوغراتمقدن بشقه بر نتیجه کوسترمسون .

برده بوبله بر قونفره ده، ولو الك ضعیف بر حکومت طرفدن اؤلسون، برطاقم اسباب معقوله سردیله ترك سلاح رأینه مخالفت و اعلان افراد ایدیله یلسی دخی محتمل اوله رق، بؤ حالده صورت مخالفت اظهار ایدن طرفه قونفره مقرراتی عجبا اهمال سلاح ایله می قبول ایتدیریله جکدر ؟

و قرار واقعه مخالفت مثلا آلمانیا کبی سلاح سطوتنه و یا انگلتره کبی موقع و ممکننه مغرور بر دولت طرفدن وقوعه گلورسه آنلره کیم مرام آکلاده جق ؟ و نه یولده واسطه اجراییه مراجعت ایدیله جك ؟

بؤندن ۳۵ سنه مقدم ایمپراطور نابولیون، اورویا ارکان سیاسیسه سنك مبتنی بؤلندیفی (و سٹفالی) و (و یانه) معاهده لرینك توالی حادثات ایله اخلال و یا انکار ایدلمش اولان اکثر موادینی نظر اعتباره آله رق آسایش عمومی زعمنجه دها متین بر اساسه استناد ایتدیرمك ایچون پارسده بر قونفره عقدینی کوچوك بیوك عموم اورویا حکمدارانسه تکلیف ایلمی اوزرینه الك اول متبصرانه جواب رد و یرن انگلتره دولتی اولمش و حتی لورد روسل اوبابده یازدیغی تحریرات مشهوره سنده : « اسپانیا مصالحتی مذاکره ایتك اوزره آوستریا، و فرانسه و پروسیا و روسیه و انگلتره حکمداران و یاخود مرخصلری ۱۸۲۳ سنه سی (و درونا) ده اجتماع ایلدک لرند ذکر اولنان دول اربعه و یردکاری قراری انگلتره نك پروتستولرینه باقمسزین سلاح قوتیله اجرا ایتدیرمشلا ایدی. شمدیکی قونفره ده دخی اختلاف وقوعی تقدیرنده بومثاله می اتباع ایدیله جکدر ؟ » استفهام استهزا آمیزینی سرد ایتدکدن صکره « بتون اورویا خریطه سنی استیعاب ایله عقد اولنه جق جمعیت اعضا سنك ابقا و یاخود تسکینه اقتداری اوله میه جق برطاقم آمال و مقاصدی تحریرک ایده جك صورتده حکمداران و یاخود مرخصلردن مرکب بر قونفره عقدنده انگلتره دولتی امنیتدن زیاده خوف

وخطر حس ایتمکده در « قولیه بقیله بر مجلس دولیدن منفعت مأمولهیه مقابله مضرات نا معدود تولد ایله جگنی آکلادهرق نهایت تکلیف واقعک عقیم قالمسینه همت ایلمش ایدی .

شمیدیکی تکلیف اوزرینه انگلتره نك مطالعات مخصوصه سی نهدن عبارت اولدینی بلینه من و چونکه مسئله بریت آشتی پرورانه ایله میدان چیقارلمش اولسندن طولانی انگلیز لگه مخصوص بر طور درشانه ایله وهله ردینه دخی گیدیه من ایهده دولت مشار الیهانك بقیله بر قونغروده فرض محال اولهرق قرارگیر اوله جق خصوصانه موافقتده قطعا احتمال ویریه من . حتی انگلتره رجال بحریه سندن برخیلی ذواتك ذات تکلیفك حسن نیت دائر سندن چیقوبده موقع تطبیقه گمسی تحت امکانده اولمیدیغنی اثبات ایده جك بر چوق مقاله لر یازملرندن دخی آکلایشیلور که انگلتره دولتی بونکلبنی واقوباده عقد ایدیه جك قونغرودنی تمایلات انسانیتکارانه دن آیرلماق ایچون قبول ایتمکله برابر ، تطبیقاتك استحالته سی دخی هر دولتن اول ادراک ایلمشدر .

بری طرفده آلمانلر دخی دهوا واضع برلسان ایله ترك سلاحك تحت امکانده اولمیدیغنی مقالات متعددده ایله اثباته چالشدق لری کبی بالذات امپراطور ، اردولر ك قوای موجوده سی آتیره جق اسبابه تشبیه تکلیف مبعوث عنه فعلاً جواب رد ویرمش اولمقده در . بناءً علیه انگلتره متقاعدین رجال بحریه سندن مشهور (قولومب) ك بومسئله حقتنده یازدیغنی مقاله یی بونسخیه درج ایلمدیگمز کبی آلمانیا محررین عسکریه سندن جنرال فون (بوغوسلاوسکی) نك نشر ایتمش اولدینی مقاله یی دخی نسخ تالیده نشر ایلمیه جگمزی وعد ایدرز .

مجموعه منك بولتیقه دن بحثه صلاحیتی اولمیدیغنی جهتله انگلتره و آلمانیا غزته لرنده وحتی غر ابدن اولهرق رؤسیه اوراق حوادشده کوریلان و ذات تکلیفك - انتاج ایده جگی مسائل سیاسیه نك وخامتی اعتباریه - بر تکلیف بارد اولدیغنی اثبات ایدن مقالاتی نشره وساطت ایده میه جگمزدن طولانی بیان تأسف ایدرز .